


67-62

子  
—  
子  
子  
子



續文獻通考卷之六十一

皇明進士雲間王圻等纂輯

學校考

書院

書院之制始自石鼓嶽麓白鹿賚湯皆碩德鴻儒講道明  
教之地世所謂四大書院者是也厥後書院遍天下日  
增月益星羅而鱗以然多尚虛名而廢學業按諸存  
以淮海列四大書院之中以淮海書院在丹徒疑卽應  
天書院也不知宗之應天書院乃在歸德府亦或以  
睢陽名之人以其名之相近遂以睢陽為淮海非以又

玉海所謂四大名院者有嵩陽而無石鼓今當以玉海  
為正

浚儀王氏曰漢初郡國往往有夫子廟而無校者且不  
置博士弟子員其學士嘗課試供養與否不見臣傳然  
諸儒以明任教者其鄉率從之者數百人其齊魯燕趙  
之間詩方禮易春秋論語名家者甚盛則設方院助是  
矣蓋未修序序之教士初無所于學相與得勝地五精  
舍為辟講習之所若岳巖白鹿洞之類是也連度唐  
熙寧之盛學校之有遂編天下

衡

宋元

白鹿洞書院在江西南康府廬山五老峰下唐李渤與兄

涉俱隱於此後為江州刺史即洞創臺榭而唐昇之中

因洞建學額置田以流諸生學者甚眾以李善道為洞

主掌教授當時謂之白鹿洞學 宋朝太平興國元年

三月庚寅知江州述言廬山白鹿洞生徒數千百人

請賜九任書肄習詔從其請仍驛送之五年六月己亥

以白鹿洞主明起為褒信主簿賜涖欲三傳出身起祐

學者業故咸平五年初有司重修繕又判宣聖十哲之

像祥符初直使館孫冕請以為祠老之地自王祐五年其子琛印故址為學館十間牌曰白鹿洞之書堂俾子孫居而學焉郭祥正為記厚熙六年南康守朱熹重建為賦示學者曰明誠其兩進抑敬義其儲之以萃執事之四  
仍謹老翁之攸執呂祖謙為記

嶽麓書院在湖廣善化縣東南小九年潭州守朱洞始創宇于嶽麓山抱芙蓉洞以待四方學者作講堂五間序序五十二間以遺為記咸平一年潭守李以則益崇以其規模三年王元之為記曰西京首述之為東觀先書

衛蠲其理蜀郡教桂陽多以庠序為先云云中開講堂揭以書樓塑先聖十哲之像畫七十二賢瀟湘為洙泗荆蠻為鄒魯四年三月二十日卒郊外則奏岳麓山書院脩廣舍宇生徒六十餘人請下國子監賜諸經釋文義疏史記玉篇唐韻從之祥符五年山長周式請于太守劉師道廣其居譚綺為記式以行義著八年石見便殿拜國子主簿使歸教授給詔因舊名賜額仍增給中秘書于是書院之稱聞天下乾道元年帥臣劉珙重建為四齋定養十額二十人二年十一月張栻為之記淳

像祥符初直使館孫冕請以為歸老之地皇祐五年其子琛印故址為學館十間牌曰白鹿洞之書堂俾子孫居而學焉郭祥正為記厚熙六年南康守朱熹重建為賦示學者曰明誠其兩進抑欲彖其儲之以萃執事之所仰謹若廟之攸執呂祖謙為記

嶽麓書院在湖廣善化縣東南九里潭州守朱洞始創守于嶽麓山抱其洞以待四方學者作備堂五間序五十二間孫奭為記咸平一年潭守李久則益崇火其規模三年王正之為記曰正亦首述之翁東觀先書

衛蠟其理蜀郡教桂陽多以庠序為先云云中開講堂揭以書樓塑先聖十哲之像畫七十二賢瀟湘為洙泗荆蠻為鄒魯四年三月二十日辛卯久則奏岳麓山書院脩廣舍宇生徒六十餘人請下國子監賜諸經釋文義疏史記玉篇唐韻從之祥符五年山長周式請于太守劉師道廣其居譚綺為記式以行義著八年召見便殿拜國子主簿使歸教授給詔因舊名賜額仍增給中秘書于是書院之稱聞天下乾道元年帥臣劉珙重建為四齋定養士額二十人二年十一月張栻為之記淳

熙十五年帥臣潘時廣二齋益額十人陳傅良為記淳祐六年賜御書岳麓書院四字揭之中門書院南風雩亭之下別建湘西精舍

應天書院

即睢陽書院應天府乃歸德府也宋曰應天金曰歸德

宋祥符二年二

月二十四日庚戌詔應天府新建書院以曹誠為助教初有戚同文者通五經業聚徒百餘人許宗度郭承範董循陳象輿王礪滕涉皆其門人于是誠即同文舊居建學舍百五十間聚書千五百餘卷願以學舍入官令同文孫舜賓主之故有是命并賜院額天聖三年應天府增解額三人六年九月晏殊言請以王洙充書院說書從之明道二年十月乙未置講授官一員景祐二年十一月辛巳朔以書院為府學給田十頃

范仲淹南京書院題名記皇帝功揭日月澤注河漢金革塵積絃誦風希睢陽先生同文賁于丘園教育為樂祥符中曹氏請以金三百兩建學于先生之廬以舜賓幹其裕王疇掌其教張吉甫領其綱真宗嘉嘆而可其奏盛度文其記陳堯佐題其榜章甫如星縫掖如雲聚學為海淬詞苑鋒二十年間羽儀臺閣蓋翩翩焉

嵩陽書院在河南登封縣太室山下五代時建宋至道元年七月甲辰賜院額及印本九經書疏祥符三年四月癸亥賜太室書院九經景祐二年九月十五日己丑西京河南府重修太室嵩陽書院王曾奏置學官詔以嵩陽書院為額賜田一頃至道三年五月戊辰河南言甘露降書院講堂已上古今號稱四大書院

北直隸

南宮北宅書院宋祥符三年七月壬寅詔南宮北宅大將軍以下各赴書院講讀經史諸院十歲以上並入學受

經學書委侍教勤心誘勸

太極書院在燕京城內元中書行省楊惟中以河朔未知濂洛之學建書院及周惇頤祠以二程張場游朱配食刻太極圖通書西銘于祠壁延趙復王粹等為師由是河朔始知道學按元史世祖與姚樞議建選取遺書八千餘卷置其中所載微不同

諫議書院在昌平院元為劉蕡建設山長主之

文靖書院在房山縣元趙密賈壤為師劉因建

益津書院在霸州元宮居祺建

靜脩書院在新安縣元劉英輩為劉因建

毛公書院在河間縣元建祀漢毛萇

董子書院在景州廣川鎮元王思誠奏建祀董仲舒

太行書院在獲鹿縣

封龍書院在元氏縣封龍山漢李躬授業之所唐郭震宋

李昉元李治皆嘗講學于此

西谿書院在元氏縣龍首峯西唐姚敬棲遁之所宋有九

經張著為山長復增葺之

中谿書院在龍首峯下宋李昉授業之所元中統初李治

增葺之

壁里書院在新樂縣西元邑人趙士廉所立義學祭酒蘓

天爵作記

明道書院在鎮寧軍

即今開州初程純公以權御史裏行出判

鎮寧既去士民思之創以祀公後為士人講學之所

崇義書院在開州元國子生唐元建為育材之地且置學

田四頃餘請于朝賜名崇義

景賢書院在宣府城南紅桃口元相康里脫脫建別墅延

師訓子鄉人化之賜名景賢書院碑碣尚存



西關書院在龍門衛治東南

雲州書院在雲州堡東南

南直隸

明道書院舊在應天府學宮宋淳熙初劉珙建祀程明道  
後守劉棻改築新祠于鈴轄故地李珣扁其堂曰春風  
亭二塾曰主敬行恕尋廢後守吳淵更創理宗親書明  
道書院四大字為額與四書院等馬光祖繼之又給田  
增廩

南軒書院舊在天禧寺宋張栻嘗讀書於此轉運使真德

秀為立祠後馬光祖建主一堂求仁任道明理潛心四  
齋極高明樓且增撥田以惠學者元移置于城東明道  
書院之西南

昭文書院在應天府湖熟鎮元至元間建

崇聖書院在鳳陽府第一山漢孔安國父子相繼為臨淮  
守後人因建書院于此上有先聖燕居殿遺址

西湖書院在潁州西湖濱宋歐陽脩守潁樂其風至晚年  
終老于此遂築書院

學道書院一在長州縣學南宋咸淳間建以教言氏子孫

元廢一在常熟縣西元至順間置名文學書院置山長  
甫里書院在蘇州府東五十里本唐陸龜蒙祠元元統間  
總管錢光弼奏建書院置山長

文正書院在蘇州府范仲淹宅元至正間總管吳秉燾請  
以祠堂置

和靖書院在蘇州府治東南宋尹焞舊有讀書庵在虎丘  
寺後人立書院元祐初移建于此後復移虎丘寺名虎  
丘書院

鶴山書院在蘇州府城西南隅宋理宗賜魏了翁第宅于

此并賜鶴山書院四大字元至順間博士柯九思奏復  
書院虞集撰記

孔宅書院在松江府城北七十里舊有孔子廟在慧日院  
側宋淳熙間院僧浚渠得寶玉璧三環二簪一藏之郡  
學蓋孔子三十四代孫禎宦遊至吳因立家廟葬衣冠  
于此寶蓋墓中物也元至元間里人章弼建書院以居  
鄉俊之來學者

九峯書院在松江府治西北宋邑士衛謙建按華亭趙驥  
建書院議云華亭尉舊有折桂閣宋李夔為尉時生子

網于此後網為相因呼相公閣今因建書院并立祠祀之

西湖書院在松江府城內瑁湖泳波亭舊址元郡守張之翰建

清忠書院在上海縣元至正間邑人章元澤建取宋仁宗賜其祖得象清忠二字為名

龜山書院在常州府城東南六里宋楊時寓常州講道于此紹定間郡守鄭必萬增葺其舊書堂為書院元設山長

東坡書院在常州府治東南祀宋蘇軾地即軾卒處也

淮海書院在丹徒縣治西宋南渡後淮士多寓京口因建書院為講學之地故名

濂溪書院在丹徒縣治東南宋周惇頤依舅氏鄭向居此後人因建書院祀之

丹陽書院在丹陽縣宋景定中劉貢士建郡守朱禎孫聞于朝賜額

申義書院在金壇縣治西宋太府丞張鎬叔家塾教族人子弟取申之以孝弟之義為名

龍山書院在金壇縣南顧龍山宋咸淳間立

茅山書院在金壇縣西茅山宋初建後廢紹定中知縣孫子秀因其故址新之以待遠學

謝安書院在揚州府城東北召伯鎮因晉謝安鎮廣陵故建

安定書院在泰州城西安定先生胡瑗如舉人為師有道後人宗仰因立書院又一在湖州府治東北宋淳祐中建

文翁書院在無為州儒學前內有文翁祠及碑記

龍眠書院在舒城縣治東宋李公麟讀書處蘇軾黃庭堅嘗往來于此

三賢書院在合肥縣治東祀宋包拯馬亮王壽昌

山谷書院在安慶府治東北今為府學文廟後有祠堂祀宋黃廷堅

二良書院在安慶府治東祀漢文翁朱邑

近思書院在安慶府治北祀周程張朱四子

天門書院在太平府天門山宋郡守陳壇奏建理宗書額內有周子二程子張子朱子張南軒呂東萊七賢祠

采石書院在太平府采石山宋嘉定間郡守賈實建為士子講學之地

丹陽書院在當塗縣南黃池八十里元至大間建

齊山書院在池州府城西六十里元建設山長職教授

李白書院一在貴池縣華竹嶺一在青陽縣九華山化成

三石斷碑存焉一在銅陵縣五松山一在石埭縣杉山

紫陽書院在徽州府治東宋淳祐中郡守韓洵為朱晦菴

建理宗書額賜之元陳浩記

明經書院在婺源縣元至大初里人胡浚建官為設山長

主之

山西

冠山書院在山西太原府冠山元呂思誠父祖數世皆讀

書于此後以宰相言賜額建于故宅虞集作記

松峯書院在樂平縣南四十里羅庄宣聖裔孔克威建呂

思誠作記

溫公書院在夏縣學之東元至正間重建祀司馬溫公

董澤書院在聞喜縣東三十里宋趙鼎世居董澤其後六

世孫貧翁仕元為國子博士歸作書院于故里虞集為

記

晉山書院在太原府城東北隅

暖泉書院在蔚州西三十里暖泉里元工部尚書王敏建

文忠書院在澤州陵川縣治南文忠元郝經謚也

山東

慶子書院在山東濟南府治東五里閔子墓前元建設山

長

生書院在鄒平縣東北一十八里元主簿楊溫建祀漢

伏勝

泰山書院在泰安州北五里宋孫明復講道之所石守道

有記

洙泗書院在曲阜縣西北八里即孔子講道之所元設山

長

聖澤書院在汶上縣西南三十里一名孔堂世傳孔子宰

中都政餘講學于此

尼山書院在曲阜縣尼山上宋慶曆間建廟元至順中孔

思晦以故廟已毀民冒耕祭田且百年乃復其田請立

書院祀之

子思書院在尼山旁舊有營運錢萬緡貸于民取子錢以  
供祭祀久之民不輸子錢并負其本孔思晦理而復之  
曾子書院在郟城縣西北六十里又嘉祥縣南四十里亦  
有曾子書院

性善書院在滕縣西北元大德間建取孟子告滕文公性  
善義

思聖書院在費縣西九十里元至元間建

野齋書院在東阿縣境內元翰林承旨李謙卒詔即其故  
居建書院立山長以祀謙

弦歌書院在武城縣治南子游為武城宰其治在今兗州  
府費縣西北此以名同故立書院祀之舊在縣西四十  
里元泰定中徙于南學士承旨劉賡扁名與士張起巖

提言

鄭玄書院在即墨縣東南二十五里

東萊書院在萊州府治西南宋呂東萊以先世萊州故號  
東萊先生後人慕之為立書院于此祀焉

河南

儒林書院在河南禹州城二十里元州人楊可道建

崇正書院在夏邑縣慈勝寺西

澮濱書院在永城縣南甫城鄉元縣尹張思立建

潁谷書院在封登縣西南宋崇寧間建並立廟以祀宣聖  
後廢復建

伊川書院在嵩縣治北元延祐間建東有九賢祠

洛陽書院在永寧縣治東元延祐間建有五賢堂祀宋周  
濂溪程明道伊川邵康節張橫渠司馬溫公後廢復建

司文書院在洛陽縣西南

諸葛書院在南陽府臥龍崗漢諸葛孔明故地之東元至

大中建程鉅夫作記

洹水書院在光山縣治西涑水先生宋司馬光號也光父

池為光山令時生光于此後人因構書堂祀光故名

謝顯道書院在上蔡縣宋建祀謝顯道

陝西

魯齋書院在陝西咸寧縣治東北元延祐中奉元路臣為  
故臣許衡建

學古書院在三原縣治西北元延祐中因舊址重建蕭蘄  
有記



橫渠書院在郿縣東五十里即宋儒張橫渠故居立書院  
中有祠堂元泰定四年建文禮愷作記

岐陽書院在鳳翔府元天曆二年勅賜書院額祀周文憲  
王仍命設學官春秋釋奠如孔廟儀

浙江

書院在浙江餘杭縣治南宋崇寧末楊時知縣事有  
遺愛于民民請立書院祀之仍延師教子弟其中

城南書院在杭州祀張九成

西湖書院在杭州府治北宋太學故基元至元末蕭政

廉訪使徐琰改為書院

東崗書院在海寧縣東三十六里宋邑人賈氏置義塾元  
至正間改為書院

宣公書院在嘉興府治北元至元間建祀唐宣公陸贄

傳貽書院在崇德縣治東北宋儒潛庵輔廣讀書之所廣  
德朱熹教扁堂曰傳貽蓋以傳先貽後為任也後人即  
其所立書院文及翁為記以祀廣焉

白社書院在崇德縣宋末衛富益建

東湖書院在湖州長興縣東北二十五里元時邑人蔣必

勝初詔賜額名

釣臺書院在嚴州府城東五十里乃漢嚴光隱釣處宋范仲淹始初祠宇紹定中即守陸子通即其地建書院

石峽書院在淳安縣東北五里宋方逢辰講道之所度宗手詔賜額名

麗澤書院在金華府城東北五里宋呂祖謙會友講道于此取易兌象以扁其居嘉熙中恩賜麗澤書院元御史王龍澤有記

月泉書院在浦江縣西二里宋咸淳間知縣王霖龍構精

舍于泉上元改為書院

四賢書院在金華府城中元時江浙省建以祀郡儒何基王栢金履祥許謙

齊東書院在蘭溪元唐良驥延金仁山講學于此仁山書院在蘭溪祀金仁山

澁東書院在蘭溪宋葉誕讀書所

北山書院在金華盤溪上於末為何基立

桃源書院在寧波府城西三十里宋王說隱居教授神宗特恩補官仍書桃源書院四大字賜之

廣平書院在奉化縣東一十里宋舒璘講學于此王應麟  
作記

甬東書院在寧波府城東五里宋鄭清之建以祀樓昉理  
宗御書扁賜之

慈湖書院在慈谿縣治北宋郡守劉黻以祀楊簡元設山  
長三

杜洲書院在慈谿縣西北六十里童居易讀書之所

東湖書院在寧波府城東三十里元時邑人陸萼祐建程  
端學作記

鄞山書院在寧波府城西五里元時邑人趙儒建祀宋朱  
文公後設山長主之袁楠有記

鄞江書院在寧波府治東南元時邑人張式良建

上蔡書院在台州府東湖上宋景定中州守王華甫建祀  
上蔡謝良佐初良佐遭黨禁未解而卒子孫有流落台  
州者州守黃芾訪而得之因祀良佐于州學後華甫至  
遂建書院徙祀焉又僊居縣南亦有上蔡書院

桐江書院在僊居縣西四十五里宋方斲本唐方于之裔  
居台州朱熹嘗書鼎山堂扁遺之元皇慶中其孫志道

建書院以祀之

鑑溪書院在台州府城東南一百三十里元邑人柯醵建

迴浦書院在黃巖縣東南三十里元元貞中建

安州書院在僊居縣東二十五里元至元中隱士翁森建

永嘉書院在温州府城西南宋淳祐中建中奉宣聖燕居

俟東室祀伊洛諸儒西室祀鄉先賢

宗晦書院在樂清縣舊名執堂宋咸淳中改名宗晦菴

也

中村書院在泰順縣宋淳祐中吳子良建

侯林書院在泰順縣宋淳祐中吳子益建

清獻書院在衢州府城北宋咸淳中郡守請于朝即趙抃

故居立書院因以抃謚扁焉

柯山書院在衢州爛柯山右宋郡人毛友鄭可簡于此建

精舍讀書淳祐中郡守請于朝立書院

南塘書院在江山縣宋逸平先生徐存講學之所逸平卒

而朱子往吊書院已為三氏墓田朱子因賦詩致哀令

重建于騎石山下曰逸平書院

包山書院在開化縣北三十五里宋汪應辰有軒名聽雨

紹定中改為書院

明正書院在西安縣東宋汪應辰及子達寓衢郡守張嶼築室居之後人即此建祠咸淳中趙孟奎重建扁曰明正

桂山書院在慶州龍泉縣西十五里宋端平間邑人張奉議立以訓子弟丞相吳潛題扁

石門書院在青田縣西七十里石門洞宋淳熙九年朱文公提舉常平至此受欲居之元至正中廉訪副使王侯始即謝客堂故址建

明善書院在松陽縣

獨峯書院在縉雲縣東三十三里朱文公至此愛其山水似武夷嘉定中郡人葉嗣昌建

美化書院在縉雲縣東六十里因朱文公講道于此嘉熙中縣尉陳寔建

稽山書院在紹興卧龍山之陽宋淳祐中馬天驥建祠以祀朱文公以公嘗提舉浙東常平也後吳萃請祠為書院

高節書院在餘姚東北一十五里漢嚴子陵墓側宋淳祐

中劉公黼建有夫子燕居祠外置遂高綠風蒼雲三亭  
扁華表于道旁曰客星山

鼓山書院在新昌縣祀石二重

江西

梧桐書院在江西奉新縣南唐時中庸明誠兩羅先生講  
道之所山多梧桐故名

東湖書院在南昌府治東南宋郡丞豐有俊假李寅涵虛  
閣故址創書院以館游學之士今為南昌縣學

宗濂書院在南昌府治南宋江萬里以濂溪周惇頤嘗典

是邦葺宇祠之扁曰宗濂精舍元移于東湖改為書院  
又寧州治東旌陽山麓有濂溪書院即周惇頤作簿時  
建相連有山谷書院

華林書院在奉新縣華林山宋雍熙中光祿寺丞胡仲堯  
建四方游學者常數百人

龍光書院在豐城縣西劍池廟側元至正間邑人陳必強  
建取寶劍龍光為名

貞文書院在豐城縣南八十里元揭傒斯之父來成學行  
師表一方謚曰貞文後傒斯請立書院遂賜以額

鄱江書院在饒州府城北宋朱熹門人金去偽講學之所  
忠定書院在餘干縣琵琶州宋丞相趙汝愚與朱熹講道  
處忠定汝愚謚也

東山書院在餘干縣冠山左趙汝愚弟汝靚建朱熹嘗講  
道于此謝枋得記

石澗書院在餘干縣東五十里今屬萬年縣宋雙峯饒魯  
講道之所

南溪書院在餘干縣東政新鄉今萬年縣境宋提刑柴中  
行講學之所元時其子孫作書院以教里族事聞為置

官

慈湖書院在樂平縣治東南宋楊簡為令以禮讓變俗時  
號慈湖先生簡沒民思不忘因立書院

新田書院在浮梁縣古樓嶺宋侍郎李椿年建今其地名  
義庫塢又縣之景德鎮有長蘓書院宋李齊愈建

錦江書院在安仁縣西南四十里宋倪介講學慶元至元  
間其子鏜請賜額

初庵書院在德興縣治南元邑人傅立建立號初庵

稼軒書院在廣信府鉛山縣南二里宋辛棄疾讀書處初

名瓢泉書院後以其號名

端明書院在玉山縣治東宋端明殿學士汪應辰講學處

元監縣壽安始建書院蘇天爵記

象山書院在貴溪縣宋陸九淵講學之所袁甫建書院以  
錢時主講

湖書院在鉛山縣鵝湖山下宋朱熹與陸九淵會講于  
此

壘山書院在上饒縣南安輯鄉宋謝枋得講學之所  
河源書院在貴溪縣西一十里宋國子學錄高可仰建以

教鄉之子弟

藍山書院在弋陽縣水南地元張卿弼隱居教授于此

學者甚衆其門人楊應桂申益為作書院處之虞集

記

景星書院在九江府城東唐李渤刺江州元和中以右拾  
遺召不拜韓愈書有景星鳳凰爭先快觀之語後人因

建景星書院

濂溪書院在九江府廬山麓宋周惇頤建後守潘慈明增  
築朱熹為記



靖忠書院在彭澤縣治觀音山後元邑令王國輔建取晉陶潛之靖唐狄仁傑之忠為名

盱江書院在建昌府南城縣治西北宋李覲教授之所中有明倫堂前有洙泗堂左右列誠正格致四齋元末燬南豐書院在南豐縣治東元至正間知州史文斌建中有孔子殿左有曾鞏祠堂後有講堂齋舍

臨汝書院在撫州府城西南二里宋馮去疾以朱文公嘗臨是邦故立書院于湖山上宋元皆有官領之

我峯書院在撫州城南青雲峯左宋叅政李璧屬縣令黃

幹建堂面峩峯故名

槐堂書院在金谿縣學東宋令陳詠之建以陸子靜家塾之名扁曰槐堂

鹿岡書院在宜黃縣南四十里宋邑人孫子野建

文溪書院在崇仁縣東陶家巷口運幹陳溪月建

草廬書院在崇仁縣南御書閣基前元邑令阿里建

邵庵書院在崇仁縣治北元邑令重喜建

青田書院在金谿縣北三十里元邑士洪觀瀾宗陸氏學建此以祀三陸先生

柳塘書院在樂安縣治東後改梅隱書院元人建

鰲溪書院在樂安縣治東元邑人夏友蘭建吳澄記

高峯書院在臨江府新金縣治東宋縣令黃幹建

清江書院在清江縣治東宋著作即張洽建

金鳳書院在臨江府治東南隔江金鳳洲上宋國子司業

黎立輔建立輔又有講書堂在新喻縣

鷺洲書院在吉安府白鷺洲上宋淳祐間知吉州江萬里

建延歐陽守道以教俊秀

龍洲書院在泰和縣治南贛江之上宋嘉泰間縣令趙汝

暮建周必大記

文溪書院在泰和縣治西宋里人曾季禮講學授徒之所

邑令趙師夔記

雲津書院在泰和縣治南龍洲之上宋嘉定間里人劉逢

原建曾歷記

柳溪書院在泰和縣治西宋嘉定間里人陳德卿建嚴萬

全記

清節書院在泰和縣治北宋蕭楚以春秋教學者卒謚清

節元至正間其宗人繼文作祠扁曰清節書院

匡山書院在泰和縣東匡山下昔里人羅洞晦清修不仕後唐徵拜官不就從遊益衆名所居曰匡山書院

礮溪書院在吉水縣西宋周澤之建

陽豐書院在永豐縣西元進士陳應求與弟起原建後賜額設官領教

武城書院在永豐縣西元學士魯德裕建派自武城南分故名吳澄記

雲興書院在萬安縣治西宋周惇頤趙抃皆嘗經此人因立像祀之且為縉紳講學之地

西澗書院在瑞州府治西宋劉渙家高安子恕孫義仲三世一節端平初知州張韞立書院西澗渙號也

樂善書院在瑞州府治南宋郡守王淹以郡中宗姓寔繁乃勸書院置田以教育宗子孫幼者

文溪書院在瑞州府城南文溪上宋陳仲微建為讀書之所

正德書院在上高縣南三十里元提舉姜榮建趙孟頫書扁刻石

石溪書院在新昌縣東北四十里元提舉胡俊

南軒書院在袁州府東湖上中有張南軒祠歲時祀之  
鈴岡書院舊在分宜縣東宋建邑庠遂廢淳祐初邑宰王  
抗建祠以祀周二程張朱仍扁曰鈴岡書院

胡安之書院在萍鄉東二里宋朱子門人胡安之讀書所  
宗濂書院在萍鄉縣東五十里宋周濂溪監稅廬溪鎮時  
立書院以授門人學後人即其地建祠又于縣治南立

濂溪書院皆祀焉

張巖書院在萬載縣治東臨江儒學教授張千崖立有禮  
殿以祀先聖有祠以祀周程張邵司馬六君子虞集記

其事

濂溪書院在贛州府贛縣治東三里周濂溪嘗通判虔州  
後人因建書院

先賢書院在贛州治東宋楊澹軒精舍故址其門人尚書  
陳鞞請于朝建之

安湖書院在興國縣東宋縣令何時建文天祥記  
梅江書院在寧都縣宋縣令夙子興建

湖廣

東山書院在武昌府黃鵠山東宋建

南湖書院在武昌縣治東宋懋壽昌軍事京規建元設山  
長領之

龍川書院在武昌縣南金牛鎮元時領以山長

竹溪書院在蒲圻縣東五里宋建蘇軾書額

新溪書院在蒲圻縣宋進士周登仕建

疊山書院在興國州東一里湖堤上宋謝枋得寓居著書

于此今稱其地曰謝公墩

南湖書院在承天府沔陽州學宋建以祀武成王及狄梁  
公張太冲

東山書院在荊門州東宋知軍孫鏞二子何僅讀書于此  
後皆為狀元學者稱二孫先生為立祠稱東山書院

隆中書院在襄陽隆中山蜀漢諸葛亮嘗寓此後人因建  
廟祀之元改為書院

鹿門書院在襄陽府治南任顯宗居此

長庚書院在德安府唐李白讀書處元程鉅夫記

河東書院在黃州府治東守天聖中程珦為黃陂尉生二

子顯頤于官舍寶祐時守李節請建書院祀之

東坡書院在黃州府治東蘇軾謫居于此及去以田宅俾

潘大臨陳慥教養學徒後人為建書院

南門書院在蘄水縣南謝朝宣建祀王逸少陸鴻漸蘇子瞻

公安書院在荊州府公安縣宋宣撫孟珙因蜀士聚于公安為建書院以沒入田廬隸之元廉希憲嘗更新焉

白水書院在枝江縣西三里元拔都府抹溫司建

車渚書院在岳州府澧州東三十里其地一名螢渚晉車

胤聚螢讀書處

文山書院在澧州治南唐李羣玉讀書之所文山羣玉字

也

奚東書院在澧州治東宋范仲淹嘗遊此後人慕之作書院祀焉

城南書院在長沙府城南臨湘門外宋張栻講學之地

碧泉書院在湘潭縣西七十里宋胡安國南遊築室其子宏與張栻講道于此以近碧泉因名

文定公書院在長沙府治中祀胡安國

東萊書院在醴陵縣北四十里宋東萊呂祖謙讀書于此  
漣溪書院在湘鄉縣東南漣水濱初在崑崙橋西宋嘉定

間真德秀帥潭命知縣徐寅夫置立扁其堂曰春風德  
祐初燬知縣趙晟重建于漣水東元至正中知縣王文  
彪復移建漣水西

東岡書院在長沙縣東二十五里元中書左丞許有壬父  
號東岡嘗讀書于此因賜額

喬岡書院在長沙縣西北九十里喬口鎮舊有三賢堂祀  
屈原賈誼杜甫元元統中邑人黃澹因設我學于此詔  
賜今額

文靖書院在瀏陽縣南宋楊時嘗宰是邑後人因建書院

名以其謚

湘西書院在善化縣湘水西宋時建潭士以居學肄業為

重州學生月試積分高等升湘西岳麓書院生又積分  
高等升岳麓精舍生潭人號為三學生劉輔之重建

慶州書院在益陽縣治南江中元邑人劉履泰講學之所  
事聞詔授慶州書院山長

南軒書院在衡州府張栻朱熹講學處

石鼓書院在衡州府石鼓山唐元和間州人李寬讀書之  
所宋初勅賜額朱文公有記

南嶽書院在衡山掌教有官育士有田宋開禧中建寶慶中遷于集賢峯下元因之

杜陵書院在來陽縣北二里杜甫墓前

清溪書院在安仁縣清溪宋周必大嘗讀書于此後人因建書院元至正間縣令王雪巖重修

沅陽書院在常德府城東北黃龍坡宋末丁易東建號石壇精舍元賜今額遺址碑刻尚存

浯溪書院在永州府祁陽縣治南元縣尉魯圭與子克臣創中大殿奉先聖殿左祠祀唐元結顏真卿

濂溪書院在道州學西祀宋周惇頤理宗賜額

鶴山書院在靖州治北宋魏了翁建自為記鶴山了翁號也

仁新書院在靖州學旁宋黃縉知靖州時建取書作新民義

觀瀾書院在郴州興寧縣西建置未詳

四川

紫巖書院在成都府綿州縣治南宋張浚讀書之所

丹梯書院在巴州南龕山宋時建



果山書院在順慶府城北五里蜀漢譙周建後郡人邊叔達以秘書監歸隱于此藏書萬卷今為南充學

柳溝書院在敘州府富順縣東九十里宋李文淵建

雲臺書院在南溪縣北雲臺山上有石鐫雲臺書院四字尚存元廖蜀望有詩記其勝

南溪書院在南溪縣治西北唐楊發詩美其景似桃源

濂溪書院在合州學旁祀宋周濂溪

北巖書院在涪州治北宋程頤註易于此黃廷堅榜曰鈎深堂嘉定中范仲武請為書院塑像祀之

鳳山書院在夔州府大寧縣鳳凰山建置未詳

南陽書院在夔州府宋孟珙建以處四方遊士

竹林書院在夔州亦宋孟珙建以待四方遊士

金華書院在潼川府射洪縣北元至正間建肖唐陳子昂像祀之

張九宗書院在遂寧縣書臺山唐貞元間建

在鹽亭縣西南二十五里宋任伯傳讀書處

東館書院

州城西七十五里東館鎮宋紹興初鄉士

創為肄業之所馮時行有記元至正間重修

柵頭書院在丹稜縣東北二十五里柵頭鎮宋紹興間縣令馮時行建

鶴山書院在瀘州治南宋魏了翁建

五峯書院在瀘州城北五峯山下宋慶曆間尚書楊汝明創為士友講會之所

龍門書院在江安縣東七十五里宋乾道中鄉士呂伯祐建

魏了翁書院在邛州蒲江縣治北宋嘉定間建又了翁嘗築室白鶴山下曰鶴山書院聚書授徒由是蜀人始知

義理之學

玉淵書院在舊黎州城內宋開禧初知縣薛紱建于崇德

祠西

在福建

勉齋書院在福建府城內宋儒勉齋黃榦讀書之所

三山書院在福州府西湖旁宋提刑王似建

古靈書院在侯官縣陳襄讀書處

尊拙書院在侯官縣三山驛西宋林之奇講學處

龍江書院在福清縣東南宋時建

石塘書院在福清縣宋景定四年立林公遇講學處

城南書院在古田縣南宋時學元改為書院

浣溪書院在古田縣西宋時建

螺峯書院在古田縣西宋時建

藍田書院在古田縣東宋時建以上三書院皆朱熹書扁

高書院在古田縣元時即學基建書院

清源書院在泉州府宋嘉泰中郡守宗希袞建

歐陽書院在泉州府唐歐陽詹讀書于此

大同書院在同安縣元至正間邑令孔公俊建請額賜名

以祀朱文公

石井書院在泉州府晉江縣西南石井鎮舊名鰲頭精舍

朱松鎮于此熹官同安皆有教及民嘉定中鎮官游絳

立書院塑二先生像祀焉

泉山書院在晉江縣宋咸淳中建今改為學

建安書院在建安縣郡守王埜立以祀朱熹

紫芝書院在建寧府學宋時建以待四方賢士

鰲峯書院在建陽縣西崇泰里唐尚書熊秘建

廬山書院在建陽縣廬山下宋儒游酢建又崇安縣建書

院以祀酢亦扁曰鴈山書院

雲谷書院在建陽縣朱文公建

雲莊書院在建陽縣嘉熙中建祀劉燭

考亭書院在建陽縣西三桂里唐御史黃端構亭以祀其

先朱熹晚年居此理宗詔立書院親書扁額

司文書院在建陽縣崇化里朱熹建

瑞樟書院在建陽縣劉仲會建劉氏視樟榮祐為盛衰

武夷書院在崇安縣武夷山朱熹建精舍于此景定中命  
建書院設山長

廬峯書院在建陽縣西北峯下宋蔡沈建理宗書扁賜之  
文定書院在崇安縣西元縣尹彭庭堅建祀宋儒胡安國  
以其子寅寧宏及從子憲配

屏山書院在崇安縣東南屏山下一名忠文元時建前祀  
孔子後祀劉子翬朱熹劉珙其一在建安後改為學

南山書院在崇安縣宋儒蔡沈建

湛廬書院在松溪縣西元末建祀朱文公

諫議書院在延平府沙縣西元末建祀朱文公  
郡守余景瞻即其故宅建書院

豫章書院在沙縣元至正中羅從彥五世族孫建

鳳岡書院在沙縣鳳凰山下宋邑人黃顯建

九龍書院在延平府有宣聖四配十哲像及揚時羅從彥

李侗朱熹四公像蓋四公講學所也

龜山書院在將樂縣封山麓即龜山先生舊宅宋咸淳初

建

延平書院在南平縣劔津之洋宋嘉定間郡守陳宓建南

山下祀延平先生李侗後守董洪徙此有禮殿祠堂明

誠忠恕敬義中和四齋及光風霽月亭

景溪書院在政和院祀朱文公父子

雲根書院在政和院朱松所建文公謁祖墓必信宿于此

今廢

尤溪書院在尤溪縣治南宋朱熹生于此嘉熙初縣令李

修建祠以祀熹及其父松咸淳初增置書院于其右元

分祠為二

雙峯書院在順昌縣宋咸淳中邑人廖邦傑建祀楊時廖

剛朱熹廖德明四先生

涵江書院在興化府莆田縣東北宋知軍事楊棟建祀唐

莆田令先聖裔孔仲良理宗賜御書扁元至大中訪求  
孔氏之後得五十三代孫敬山遂以明經舉充涵江書  
院山長令世紹其職

樵溪書院舊在邵武府東門外宋景定中知軍錢謙孫建  
以祀丞相李綱元時移置城內樵樓五曲之上

雲巖書院在光澤縣雲巖山下宋果齋李方子講學之所  
元天曆中縣尹况達建虞集有記

雲谷書院在建寧縣南宋待制俞豐讀書所後致政歸扁  
曰雲谷書院有怡雲來薰致爽舒嘯浮香諸亭

崇仁書院在光澤縣北元至正中邑人龔永劉濂建  
翠雲巖書院在汀州歸化縣宋熙寧間立張若谷陳世卿  
避亂讀書于此

龍江書院在漳州府登高山舊為臨漳臺宋朱熹守漳時  
將築室講學未果後守危楨創書院以成其志元泰定  
間郡儒黃元淵亦建龍江書院于城外東北虞集有記  
丹詔書院在漳浦縣南三者宋紹定間南詔塲西尉周申  
建淳祐中郡守黃朴書頌

東山書院在福寧州吳惇祐中邑人林仲明讀書所

來青書院在寧德縣姚周二族初

廣東

濂泉書院在廣州府城內宋建祀濂溪周惇頤

尊韓書院在陽山縣東唐韓愈讀書于此後人因建書院

丞相書院在連州嘉魚場之左宋相張浚嘗寓此後人建

書院祀之

古岡書院在新會縣治西南元至元間縣丞沈壽建

湘江書院在韶州府帽子峯南麓宋淳祐間楊大異建祀

周惇頤

涵暉谷書院在英德縣涵暉谷宋景德初郡守王仲達奉

詔建後慶曆初守宋任天禧中守臧制修之

孔林書院在南雄府城東一百里唐憲宗時曲阜孔戣為

嶺南節度使因家焉後孫振玉始建書院

豐湖書院在惠州府歸善縣南宋淳祐中建

張留書院在惠州石埭山宋丞相留正秘書郎張宋卿微

時共學于此

羅浮書院在博羅縣西八十里宋建

鰲峯書院在龍川縣舊學元建

來青書院在寧德縣姚周二族初

廣東

濂泉書院在廣州府城內宋建祀濂溪周惇頤

尊韓書院在陽山縣東唐韓愈讀書于此後人因建書院

丞相書院在連州嘉魚場之左宋相張浚嘗寓此後人建

書院祀之

古岡書院在新會縣治西南元至元間縣丞沈壽建

湘江書院在韶州府帽子峯南麓宋淳祐間楊大異建祀

周惇頤

涵暉谷書院在英德縣涵暉谷宋景德初郡守王仲達奉

詔建後慶曆初守宋任天禧中守臧制修之

孔林書院在南雄府城東一百里唐憲宗時孔戣為

嶺南節度使因家焉後孫振玉始建書院

豐湖書院在惠州府歸善縣南宋淳祐中建

張留書院在惠州石埭山宋丞相留正秘書郎張宋卿徵

時共學于此

羅浮書院在博羅縣西八十里宋建

鰲峯書院在龍川縣舊學元建



韓山書院在潮州府治西南隅元郡守王翰建以祀唐韓愈趙德及宋陳堯佐吳澄記

元公書院在潮州府學西宋元公周惇頤嘗漕廣東其孫梅叟為郡時建

得全書院在潮州府城內宋紹興間宰相趙鼎謫潮州號得全居士其後六世孫篋翁為郡時建

星巖書院在肇慶府城北五里宋郡守包拯建

三洲書院在德慶州東七十里三洲巖畔祀宋周惇頤濂溪書院一在四會縣治北金鷄山麓一在陽江縣學東

熙寧中周惇頤提刑嶺南多惠政故皆祀之

茂山書院在高州府城南八十里晉時龍驤將軍王濬謫居高涼自號茂山嘗以禮教化民後人建書院

和明書院在石城縣西一百二十里宋蘇軾建

翔龍書院在吳川縣南一百三十里宋景炎中宰相陳宜中建

平湖書院在雷州府城外西湖之東宋寇準蘇軾蘇轍相繼謫此軾有西湖平狀元生之語郡守陳大震取其語作書院而名之元郭思誠重修呂思誠記

文明書院在樂平千戶所城內宋蘇軾謫儋州從濂州道  
經于此謂人曰斯地景勝當有文明之祥後人遂即其  
地建書院扁曰文明元彭從龍重修凌光謙作記  
東坡書院在瓊州府城北宋蘇軾謫昌化軍時寓此後人  
因其號為建書院元時嘗設山長趙孟頫書扁  
司墩書院在瓊山縣東五里貢士陳文徽建會鄉子弟講  
學于此

廣西

宣成書院在桂林府治北宋景定間經畧朱禿孫以張栻

呂祖謙嘗遊此合二公謚為名請建書院理宗書額賜  
焉

清湘書院在全州北二里宋守林岳因柳門噴書地築室

館士後守程瑜請賜額趙必愿增修魏了翁記

駕鶴書院在柳州駕鶴山有碑記文字剝落

真仙書院在融縣真仙岩前宋守李興時所建

龍溪書院在慶遠縣城西二里宋嘉定間建中設孔子像

旁立黃廷堅祠

江東書院在平樂府富川縣北六十里宋淳祐間澹然居

士毛基建

勾漏書院在梧州府容縣舊為州學宋建

皇明

國朝修建書院初未有禁至嘉靖十七年夏四月吏部許  
讚言撫按司府多建書院以聚生徒供億科擾亟宜撤  
毀從之萬曆十年閣臣張居正以言官之請繫行京省  
查革士論紛然不平然竟亦不能盡撤今據舊額書之

北直隸

明道書院在青州府開州治內宋時為程純公建 本

萬曆三年圻知州事重修有記

獨石書院在開平衛治東南隅 本朝建

在雲州堡東南 本朝重建

南直隸

獨山書院在鳳陽府治東南獨山麓 本朝嘉靖初御史

恕建

文正書院在蘇州府治范仲淹宅東元至正間建後毀

本朝宣德間重建

和靖書院在府治東南 本朝嘉靖五年重建于府城內

龍興寺

鶴山書院在府城西南隅宋魏了翁第舊址 本朝宣德

間重建

金鄉書院在府治澹臺坊內宋贈澹臺子羽為金鄉侯故

名 本朝嘉靖五年胡纘宗建

東川書院在嘉定縣學南 本朝正德間提學張鰲山廢

南寺創建

東坡書院在常州府東南祀蘇軾 本朝弘治間建

濂溪書院在鎮江府丹徒縣東南宋周惇頤嘗居焉 本

朝正統中從黃鶴山移建于此

包公書院在廬州府城南香花墩上 本朝弘治年建

毛公書院在廬江縣東北七十里 本朝嘉靖初即漢毛

義讀書故址建

采石書院在太平府蕪湖縣昇仙橋西狀元坊內 本朝

正德間建

宛陵書院在寧國府治西 本朝正統年建

鳳山書院在寧國縣儒學旁 本朝正德間知縣王時建

甘泉書院在池州府化成寺東 本朝為禮書湛若水建

陽明書院在化成寺西 本朝為王守仁建

嘉靖十六年春一月御史游居敬疏乞戒邪僻大臣以  
端士習言王守仁之學主于致良知湛若水主于體認  
天理皆祖陸九淵而少變之以號召好名媒利之士然  
守仁謀國之忠應變之才猶不可泯若水迂腐之儒廣  
收無賴私創書院其言近似其行大非乞戒諭以正人  
心禮官覆言王守仁既經禁革不必更議若水掌教南  
雍間有生徒附和標榜居敬責備太甚若水年已七十  
屢乞休致方且慰留可再議耶 上曰若水既有成命

書院令所司毀之

東山書院在徽州府祁門縣東南

本朝正德中知府留

志淑廢東岳廟為之中祀環谷先生汪元

龍山書院在安慶府桐城縣治西即太霞宮故址 本朝

嘉靖間建祀周程張朱黃勉齋游廣平

皖山書院在潛山縣即天寧寺故址 本朝知府胡纘宗

以伊川晦庵嘗居潛而黃直卿游定夫皆有政績祀之

江西

正學書院在南昌府治東

本朝嘉靖中提學副使王宗

沐建祀周敦頤程明道

馬融書院在南康府建昌縣 本朝正德間知縣周廣建

釣臺書院在嚴州府城東五十里嚴光隱釣處宋時建

本朝正統初知府萬觀重修又構清風高節二軒大學

士楊溥有記

陰書院在臨江府新淦縣治東陶侃讀書臺下 本朝

成化初建夏寅記

金川書院在新淦縣 本朝正德七年李夢陽建祀練子

寧

一峯書院在吉安府永豐縣儒學西 本朝弘治間建祀

修撰羅倫邵寶記

雲興書院在萬安縣治西宋時建 本朝隆慶元年圻知

縣事重修有記

陽明書院在贛州府濂溪書院後王陽明講道于此 本

朝士人建

山東

尼山書院在兗州府 本朝永樂十五年重建

東萊書院在萊州府 本朝景泰五年重修

河南

應天書院在歸德府城西北隅 本朝嘉靖間以社學改建

錦襄書院在睢州駱駝岡舊為僧寺 本朝嘉靖初改建書院在南陽府城外西關

豫山書院在豫山之麓俱 本朝成化八年知府段堅建汝南書院在汝寧府城南五里 本朝成化十一年建

涑水書院在光山縣西祀宋司馬光 本朝正統九年重修

青雲書院在汝州郊縣城內 本朝成化五年建

程子書院在寶豐縣 本朝成化十六年建

紫雲書院 成化十五年兵部右侍郎李欽奏襄城縣紫雲山之麓臣市地三十畝有奇建屋若干楹積書數千卷日與學者講讀其中願藉之于官以為社學 賜額

為紫雲書院

湖廣

濂溪書院在武昌府學前舊為射圃 本朝嘉靖四十二年巡撫改建

鳳山書院在漢陽府學後 本朝趙蕃蔡鎰讀書處

郢門書院在承天嘉陽春臺左 本朝洪武中曹國公李

文忠鎮郢時建

昭明書院在襄陽府學西 本朝汪道昆建

鳳棲書院在襄陽府治東龐德公宅 本朝正德中為書

院祀龐統司馬徽

五賢書院在鄖陽府治北 本朝正德間建 祀周程張朱

二程書院在黃州府黃陂縣魯臺山 本朝景泰中蔡受

建

龍峯書院在岳州府華容縣圓覺寺旁 本朝黎淳劉大

夏讀書處

象山書院在寶慶府城東 本朝嘉靖中建 祀周敦頤以

張九成配享

陽明書院在辰州府東王守仁謫貴州講學于此鄒守益

羅洪先記

福建

石井書院在泉州府晉江縣西南石井鎮祀朱文公父子

本朝重建



鰲峯書院在建寧府建陽縣西崇泰里 本朝正統中重

修

考亭書院在建陽縣西三桂里 本朝宣德中重修

武夷書院在武夷山

屏山書院在崇安縣東南屏山下祀劉子翬朱熹劉珙

本朝洪武中重修

湛盧書院在松溪縣西祀朱文公 本朝景泰中重修

諫議書院在延平府沙縣治西陳瓘宅 本朝永樂中修

龜山書院在封山之麓楊時宅 本朝洪武七年建

延平書院在劍津之陽祀李侗 本朝永樂初重建

南溪書院在尤溪縣治南朱文公生此 本朝永樂中重

修

鯉江書院在漳州府城東北二十里 本朝洪武初知府

錢古訓建祀朱文公

鴻江書院在漳浦縣東十七都 本朝洪武中鄉人陳則

彙建授徒講學

泰亨書院在長泰縣南登科山 本朝洪武末教諭章叅

建以教鄉士子

狀元書院在登科山之西 本朝正德六年副使楊子器  
建塑狀元林震像

東瀛書院在玄鍾所舊為佛刹 本朝嘉靖五年叅政蔡  
潮改建塑朱文公像于中以北溪勉齋配

廣東

濂泉書院在廣州府城內祀周濂溪 本朝正統中重建  
崧臺書院在肇慶府治東二里石頭庵 本朝正統中改

為書院

廣西

宣城書院在桂林府治北祀張栻呂祖謙 本朝洪武初  
以其地為桂林縣學正統間復建于學之西

清湘書院在全州北二里 本朝永樂間重修

三元書院在梧州府藤縣治西宋馮京讀書處 本朝建  
純心書院 嘉靖三十一年 楚王英僉奏請書院額

上賜名純心并四書五經集註各一部後屢有請 萬  
曆十年議准 宗室中有讀書好禮奏討書籍及以書  
院請名者禮部共與題覆請給但不許假借虛名以滋  
欺罔書籍簿數書院名額俱取自 上裁其益造書院

止令自備工料不得因而干涉有司煩擾百姓遠者許  
撫按官叅治

義學

宋

侯衡陽人少遊四方還家築室道旁俾遊學之士館焉  
行之二十年曾無倦色遠近號曰侯家書院

洪文撫南康建昌縣人於所居雷湖北創書舍集學者太  
宗飛白一軸曰義居以賜之

汪紹婺源人開義學教鄉里子弟割田三百畝以充膳延

舊邑簿呂廣問為師

林國鈞莆田人創書堂延林光朝為師復置田以贍承學  
之士學者空郡從之謂之紅泉義學

黃問字公裕莆田人創學于居廬之南以聚四方英俊號  
上林執齋其齋中有五規一曰修身謹行二曰立志抗  
節三曰潛心經術四曰學通世務五曰限日收功

范仲淹蘇州人建義學于天平山西延師以教同族及四  
方學者號為范義學中有孔子廟後又增仲淹祠中  
清白堂左右設敬身知本兩齋

蔣沐東陽人景定五年建義學于縣南以訓四方來學者  
號楊城義學元至正間沐四世孫大同重修學者益

鍾鼎上猶人嘗觀范仲淹義田偕姪日新置義莊建書院  
教鄉族子弟三傑登紹興進士

方永莆田人天禧間與弟洞築義齋以來四方賢士歲不  
下五十餘人時號壽峯義齋

新昌縣有萬卷堂為義學尚書石待旦所創社衍輩由此  
登科凡七十二人

劉允迪玉山縣人割田勸室聘名士以教族子弟及鄉人

願學者號曰劉氏義學 朱文公記畧曰今士大夫徒

步至三公然一日得志則高堂深池撞鐘舞女所以自

樂其身者惟日不足雖廩有餘粟府有餘錢不為里黨

災害足矣義學之舉固未暇及也如劉侯者身雖寵而

未登六品家雖温而未能千金乃其用心如此可謂賢

於人遠矣

王必正尤溪人宋紹定間慕范文正公為人以郭外田五

百餘畝勸義莊以資族人冠婚喪祭之費又設義塾延

師以訓族里子弟子四人慈恭懃懃皆登進士第

王沂之晉江人端平間以曾祖秉嘗立義齋延師誨學者  
遺命子起震繼其志闢堂于家之南扁曰文雅列齋四  
捐田三百餘畝以贍師生真德秀表其閭曰義塾

周天賦仙遊人與弟紉義塾撥田租七十斛以供束修之

實

元

邵天驥其先洛人高祖宗穆始家華亭晉江鄉志在澤物  
開義塾以教鄉之子弟割田二百餘畝給之

姚玉用華亭人至治中割田立義庄以周宗族鄉黨建義

塾以教鄉之子弟後郡守孫秉禮聞其義委葺西湖書  
院遷義塾其中以便學者

吳森嘉興人家饒於貲施予不吝嘗捐田一頃建義塾訓  
鄉人至大間廉訪使以名聞表其門曰義士

歸元善字大雅汴梁之太康人任至中書左丞至正交鈔  
初行賜近臣各三百錠元善以買田六百畝為義塾延  
名士教族人子弟

陸天祐鄞縣人欲建義塾以教鄉子弟未就而卒遺命子  
居敬思誠置田廣居構學一區于東湖之里崇奉朱文

公像浙東帥王本齋命名曰東湖書院割田一頃六十  
畝音以為報祀餘廩之需建先進祠祀鄉先生陳文介  
公而下凡十人延師講學以淑一鄉子弟

應本仁字本立鄞人素慕范文正為人建義莊創屋舍五  
百餘間割慈谿腴田五百餘畝以濟鄉親貧乏又即其  
中為義塾延名師以訓導鄉親子弟供膳服用悉有常  
制時其出納定其條約使後裔世守之十傳為應家館

續文獻通考卷之六十一終

續文獻通考卷之六十二

皇明進士雲間王圻纂輯

節義考 忠臣一

商

武王伐紂伯夷叔齊叩馬諫曰父死不葬爰及干戈可謂  
孝乎以臣弑君可謂仁乎左右欲兵之太公曰義人也  
扶而去之夷齊耻食周粟隱于首陽山作歌曰登彼西  
山兮采其薇矣以暴易暴兮不知其非矣神農虞夏忽  
焉沒兮我安適歸矣吁嗟徂兮命之衰矣遂餓而死

春秋

徒人費齊臣襄公誅屢弗得鞭之見血走出遇賊于門劫而束之費請先入伏公而出鬪死於門中

陳不占齊臣聞崔杼弑莊公將赴之餐則失匕上車則失司御者曰怯如是有益乎不占曰死君義也無勇私也吾不以私害公遂往聞戰鬪聲恐駭而死

申蒯齊莊公侍御崔杼弑莊公蒯謂其宰爾以孥免我將死宰曰免是反子之義也與之皆死

邴蒯墮齊臣崔杼弑莊公蒯墮使而返將入死而報其君

其僕曰君無道人莫不聞大夫何死之墮曰食其祿者死其事吾食亂君之祿矣又安得治君而死之遂驅入死僕曰人有亂君猶死之我有治長可乎遂結轡自

刎

杞梁齊大夫莊公伐莒為車五乘之賓梁不與歸而不食其母曰汝生有義死有名則五乘之賓盡汝下趨食乃行出鬪獲甲首三百莊公止之不聽遂鬪而死

華周齊大夫齊侯伐莒周先遇莒子于蒲侯氏莒子重賂之使無力戰周曰貪貨棄命何以事君遂與杞梁俱戰

死

石他人齊人陳恒執齊簡公而盟者皆完其家不盟者殺之石他人曰昔之事其君者皆得其君而事之今謂他人曰舍而君而事我他人不能雖然不盟則殺父母也走而盟是無君臣之禮也不如退而自殺以禮其君遂

自殺

巴蔓子巴國人仕為將軍周沒國亂蔓子言師于楚許以三城楚已救巴遣使請城蔓子曰藉楚之靈克濟禍難誠許楚王城可持吾頭往城不可得乃自刎使者以蔓

子之首報楚王楚王曰使吾得臣如蔓子用城何為乃

以上卿之禮葬其首巴亦以上卿之禮葬其身于施州

朱厲附莒臣穆公不知其才斥之及穆公難朱厲附力戰而死曰吾以激天下不知其臣者

田單晉臣佛盼以中年叛田單曰義死不避鈇鉞之罪義窮不受軒冕之服無義而生不仁而富不如烹遂死之莊善楚臣聞白公為亂辭其母而行三廢車下其僕曰子懼矣何不返曰懼者吾私也死義吾公也及公門刎頸而死



長兒子魚絕智伯囂而去之三年矣及聞智伯見殺曰吾  
聞仁者無餘愛忠臣無餘祿吾聞智伯之死而動吾心  
餘祿之加于我者至今尚存吾將往依之遂返而死  
解揚晉大夫奉使如宋使無降楚楚人執而厚賂之使反  
召命揚卒致君命楚欲殺之以其不屈既而釋之  
荀息晉大夫晉獻公將卒囑其子奚齊卓子曰是以蕪諸  
孤辱在大夫息曰臣竭其股肱之力加以忠貞其濟  
則君之靈也不濟則以死繼之後里克弑奚齊卓子荀  
息死之

狼譚晉大夫晉襄公斥而不用後與楚戰彭衙譚將死之  
人曰子不見信于君奚為死譚曰今若不死是君之斥  
我宜矣遂以其屬馳秦師死焉晉師從大敗秦

弘演衛大夫狄人滅衛殺懿公而殘其屍僅留肝焉演遠  
使返報哭於肝之側曰臣請為表自剖其腹納肝于內  
而死

### 戰國

王蠋臨淄畫邑人初燕以樂毅為上將軍伐齊齊師大敗  
潛王出走樂毅入臨淄聞王蠋賢令軍中環畫邑三

里無入請蠲蠲謝不往燕人曰不來我且屠邑蠲曰吾  
臣不事二君烈女不更二夫齊王不用吾諫故退而耕  
于野國破君亡吾不能存而又欲劫之以兵吾與其不  
義而生不若死遂經其頸而死毅乃封其墓

豫襄智伯臣也智伯為趙襄子所滅讓欲報仇伏橋下襄  
子至橋馬驚索之得讓襄子曰此義士也吾謹避之耳  
釋之後乃漆身為癩吞炭為啞其妻不言其友識之乃  
曰以子之才臣事趙孟必得近幸子乃為所欲為顧不  
易耶何自苦如此讓曰既委質為臣而又求殺之是二  
而一也吾所為愧天下人臣懷二心者耳卒不聽後入襄  
子宮中塗廁欲刺襄子襄子執之請於襄子三斬其衣  
而死

肥義趙人趙武靈王廢太子章而立少子何為王自為主  
父使肥義輔之後章因武靈王遊沙丘詐以主父命召  
王義知有變請先嘗之曰無故而後王可入也肥義乃  
先入章殺之

李同趙邯鄲人秦圍趙急同說平原君以家財享士得敢  
死士三千遂與赴秦軍秦軍却三千里後竟戰死封侯

父為侯

漢

張良韓人韓為秦所滅良自以五世相韓弟死不葬期必報仇乃陰募力士伺始皇至沙丘以鉄推擊之誤中副  
始皇命天下大索十日後輔漢滅秦又報項羽乃從  
赤松子遊

周苛為御史大夫楚圍滎陽急漢王遁去苛守之楚破  
滎陽苛嫚罵不屈項羽怒烹苛

紀信為漢王將項羽圍漢王于滎陽甚急紀信願假王衣  
服夜從女子二千人出東門偽降漢王因出西門遁去  
羽執信烹之

蘇武杜陵人武帝天漢中武以中郎將持節使匈奴會長  
水虞常等謀殺漢降人衛律而劫單于毋闕氏歸漢單  
于使律治之常引武副張勝知其謀單于怒召武受辭  
武謂假吏常惠等曰屈節受命雖生何面目以歸漢引  
佩刀自刺律驚自抱持之武氣絕半日復息單于壯其  
節遣人候問武而收繫勝律謂武曰副有罪當相坐舉  
劔擬之武不動律曰律前負漢歸匈奴蒙恩富貴蘇將

今日降明日復然空以身膏草野誰復知之武罵律曰  
汝為人臣子不顧恩義畔主背親為降虜于蠻夷何以  
汝為見且單于信汝使決人死生不平心持正反欲關  
兩主觀禍敗匈奴之禍從此始矣律白單于單于愈欲  
降之乃幽武置大窖中絕不飲食天雨雪武嚙雪與旃  
毛并咽之數日不死匈奴以為神乃徙武北海無人  
處使牧羝曰羝乳乃得歸別其官屬各置他所武留自  
奴凡十九年始以強壯出及還鬚髮盡白

龔勝楚人哀帝末徵為京兆尹王莽秉政謝病歸莽復遣

使迎勝使者至以印綬就加勝身勝輒推不受兩子及  
門人勸之行勝曰吾受漢家厚恩無以報今年老矣旦  
暮入地豈宜以一身事二姓下見故主一語畢遂不復  
開口飲食積十四日死

翟義青州牧王莽居攝時義舉兵西誅不當攝者兵敗死  
之餘衆歸王翁亦守節力戰死之

章明周新繁人官至大中大夫王莽篡位明周曰吾不以  
一身事二姓遂自殺

田強武陵五溪首領王莽欲錫強銅印強以子十人雄將

過人乃曰吾等漢臣誓不臣莽以其三子將五萬人居  
屯浣東各築一城烽火相接田子居上城王子居中城  
倉子居下城

馬適求鉅鹿人以布衣謀誅莽不克死之

東漢

王嘉王皓蜀郡人王莽篡位並棄官西歸建武初公孫述  
稱帝遣使徵皓嘉恐不至遂先繫其妻使者謂嘉曰  
速裝妻子可全對曰犬馬猶識主况于人乎皓先自殺  
以首付使者述怒遂誅皓家屬王嘉聞而嘆曰後之哉  
乃對使者伏劍而死

虞俊無錫人哀帝時為御史稍遷丞相司直王莽秉政召  
為司徒俊仰天嘆曰願為漢鬼不能事王姓飲樂而卒  
光武即位表其墓

鮮文卿鄭文伯俱仕公孫述為尚書時述據蜀成都人羅  
衍說解鄭諫述使速歸漢為子孫福解鄭從之述怒閉  
二子于薄室二子守志不回遂幽死

李業字巨游蜀人平帝時除為郎王莽以業為博士病不  
之官因匿山谷公孫述僭號素聞業名徵之欲以為博

士業固辭疾不起述羞不能致乃使持毒酒奉詔命以  
劫之業不屈遂飲毒而死蜀平光武詔表其門閭

溫序太原人建武中徵為侍御史遷護羌校尉行部至襄  
武為隗囂別將所拘劫諭使從序曰分當效死義不貪  
生遂以口啣鬚曰既為賊所殺毋令鬚汚血遂伏劍死  
伏隆湛之子光武時為大中大夫張步據齊地隆奉使不  
屈死之

臧洪為東郡太守袁紹圍其城歷年糧盡城陷洪被執不  
屈死之郡丞陳容亦同日死

吉平建安時醫人與董承謀誅曹操事洩為操所擒榜掠  
無完膚猶欲以舌吞賊竟死之

耿紀漢少府韋晃漢司直又有金禕者自世為漢臣與  
紀晃起兵欲挾天子以討曹操南援劉備竟不克而死  
徐璆字孟玉廣陵海西人中平初為汝南太守轉東海相  
獻帝遷許以廷尉徵方詣京師為袁術所逼授以上公  
之位璆嘆曰龔勝鮑宣獨何人哉守以必死術不敢逼  
審配為袁紹冀州收操兵入冀被執不屈死之

蜀漢

習珍襄陽人仕先主為裨將孫權襲殺關羽珍與樊冑等  
舉兵弗克潘濬招降珍曰吾為漢鬼不為吳臣糧盡自  
滅贈邵陵太守

張任事劉璋璋遣任與劉瓚率精兵拒先主於涪為先主  
所破已復敗於滙橋先主聞任之忠勇令軍降之任厲  
聲曰老臣終不復事二主矣乃殺之

王連劉璋時為梓潼令昭烈起兵葭萌連以不降昭烈義  
而釋之

嚴顏劉璋時為巴州刺史張飛破巴州斥以胡不早降顏

曰我州但有斬頭將軍無降將軍飛大怒趣命斫頭顏  
曰斫頭便斫頭何為怒耶飛義而釋之後竟自刎死  
諸葛瞻亮之子也仕蜀為尚書僕射魏節之寇蜀遣人誘  
降瞻斬其使後及子尚皆死之

劉整鄭像合肥守城士也諸葛恪圍合肥城中遣整像後  
先出城傳消息皆為賊所得以不從賊而死嘉平中鎮  
軍將軍毋丘儉上言整像為兵能守義執節弟子宜有  
褒異詔追封皆關內侯子襲爵

閻温天水人仕魏以涼州別駕守上邽會馬超奔上邽郡

人舉迎之温不能禁乃還州超復圍之温夜潛出欲告  
急夏侯淵賊執詣超超曰若謂城中無救則貸汝温偽  
許及詣城下大呼曰大軍不遠三日至勉之超怒殺之  
韋忠平陽人年十二喪父哀慟廬墓武帝時為郡功曹太  
守陳楚為山羗所執忠願代死賊義而釋之後以鎮西  
大將軍討叛者矢盡不屈死

晉

周處字子隱陽羨人惠帝永熙七年齊萬年屯梁山有衆  
七萬梁王彤夏侯駿使處以五千兵擊之戰敗弦絕矢

盡救兵不至左右勸處退處按劍曰是吾効節致命之  
日也遂力戰而死

稽紹康之子也惠帝時為侍中河間成都王舉兵帝征之  
奉準謂曰今往安危難測卿有佳馬乎紹正色曰死士  
以之佳馬何為乘輿敗績于蕩陰帝面中三矢百官侍  
御皆散紹朝服登輦以身衛帝兵人引紹斫之帝曰忠  
臣也勿殺對曰奉太弟令惟不犯陛下一人耳遂殺之  
血濺帝衣後左右欲浣帝曰稽侍中血勿浣也

王斌仕晉為安北將軍懷帝永嘉二年石勒陷長樂斌死



之

王連為扶風太守劉曜攻陳倉連敗死之

吉朗仕晉為御史中丞愍帝建興四年劉曜陷長安帝出降朗嘆曰吾智不能謀勇不能死何恐君臣相隨北面事賊虜乎乃自殺

卞壺句容人成帝咸和中為尚書令成陽公督軍討蘇峻戰敗死之二子眈眈亦赴敵死其母撫屍哭曰父為忠臣子為孝子夫何恨乎時丹陽尹羊曼黃門侍郎周藻廬江太守陶瞻俱戰死瞻侃子也壺後贈侍中謚忠貞

二子皆贈官

段匹磾大興中官幽州刺史為石勒所敗乃着朝服持節見石季龍曰我受國恩志在滅汝不幸至此不能為汝敵及見勒又不為禮遂遇害

虞悺臨湘人譙王丞為湘中刺史徵為長史王敦反援長沙悺被執遂死之弟望亦為譙司馬討敦力戰死詔贈悺襄陽太守望榮陽太守祭其墓以少牢

易雄瀏陽人少為縣吏念無由自達乃脫幘掛縣而去後舉孝廉為州主簿張昌之亂執太守萬嗣將斬之雄與

賊爭論曲直賊乃舍去雄後為春陵令會王敦反雄首  
奮忠義起兵討之力屈城陷為魏人所虜送到武昌抗  
辭不屈敦遣人殺之

樂道融丹陽人為王敦叅軍敦以討劉隗為名遣道融道  
融憤敦之逆因說甘卓襲敦卓大然之既而卓與敦和  
將旋軍道融晝夜泣諫憂憤而死

周崎邵郡人為湘州從事譙王承使求救于外為王敦將  
魏乂所執乂臨以白刃曰汝為語城中稱大將軍已破  
劉隗等外援隔絕我當活汝崎偽許之至城下大呼曰

王敦軍敗於吳甘卓已克武昌即日分遣大眾來赴此  
急努力堅守賊今散矣乂殺之

周該慈利人從父級宜郡內史王敦為逆級遣該使湘州  
約譙王丞甘卓同獎王室為敦所執訊掠之至死不  
級由是得免于難

周積字國寶會稽人好學知兵永徽間四面盜起積糾鄉  
人禦之衆寡不敵賊誘之從為亂積怒曰恨不斬汝萬  
段肯從汝反耶遂手刃數十人自刎而死事聞立廟以  
祀

俞縱宣城人成帝時為桓彞部將蘇峻分兵陷臺城內史  
桓彞死之縱守蘭石韓晃攻之將敗左右勸退軍縱曰  
吾受桓侯厚恩當以死報吾之不可負桓侯猶桓侯之  
不負國也遂力戰而死彞後追贈廷尉謚曰簡縱贈義  
興太守

陽瓚穆帝永和為司馬魏攻滑臺瓚堅守死之詔稱  
遠司馬濮陽太守陽瓚滑臺之逼勵誠固命投命殉節  
在危無撓古之烈士無以加之可贈給事中為恤其家  
賜絹一百疋粟三百斛

辛謚晉故散騎常侍隴西人也永和趙石閔盡滅石勒  
之族而自立為帝以謚有高名乃備禮徵為太常謚遺  
閔書以為物極則反數至則危君王功已成矣宜因茲  
大捷歸身於朝必有由夷之庶享喬松之壽矣閔不  
因不食而卒

丁穆為順陽太守孝武帝寧康時符堅遣衆入寇穆戰敗  
被執至長安稱疾不仕偽朝遂遇害贈龍驤將軍雍州  
刺史

吉挹為魏興太守秦隋魏興挹死之符堅嘆曰周孟威不

屈于前

周彪字也秦獲其母遂常有不遜語秦待之彌厚

丁彦遠潔已於後

即

穆吉祖冲閉口而死

即

何晋氏之多忠臣也

常簡為東平太守孝武時慕容垂遣子寇廩丘簡與戰死

之

素崧汝陽人安帝時為吳郡太守孫恩作亂攻陷滬瀆城崧死之

何無忌東海剡人盧循之亂握節而死謚曰忠肅

沈勁吳興人常以父克失身王敦為恥後守洛陽城陷不屈慕容恪所害神色自若恪曰今定洛陽而殺沈勁

實愧于四海

謝邈晉人為吳興太守孫恩之亂為賊所執逼令北面邈勵聲曰我不得罪天子何北面之有遂被害

王充為博陵守將秦符丕天安中燕慕容麟攻秦博陵中糧竭矢盡功曹張猗踰城出聚眾以助麟充臨城數之曰卿是秦民吾是卿君卿起兵應賊而號義兵何名實之相違也古人求忠臣必于孝子之門卿母在城棄而不顧吾何有焉今人取卿一時之功則可矣寧能忘卿不忠不孝之罪乎麟拔博陵執充殺之

韓延之堵陽人為西平府錄事叅軍劉裕代司馬述之密書招延之延之報書甚倨厲以裕父名翹字顯宗于是字已曰顯宗名子曰翹示不臣劉氏

宋

劉康祖彭城人累官司馬左軍將軍受命北伐率師出許洛還救壽陽力戰而死魏人傳其首面如生贈益州

史謚曰壯

卜天與吳興餘杭人元嘉末為廣威將軍元克劾入弒事變倉卒舊將皆望風屈附天與不暇被甲執刀持弓疾

呼左右出戰射賊劬于東堂幾中逆徒擊之臂斷倒地乃見殺世祖贈龍驤將軍益州刺史謚曰壯侯以旌忠節

劉琨之為竟陵王誕司空主簿誕作亂以琨之為中兵軍不就死之贈黃門郎

袁粲字景倩湛之從孫宋明帝時累官中書令臨崩粲受顧命順帝立徙粲鎮石頭及齊篡位粲不欲事二姓率宿衛兵攻之不克見害沈休文撰宋書擬立袁粲傳世祖曰袁粲自是宋家忠臣

齊

丘冠先字道元吳興人少有節義永明中位給事中使蠕  
蠕蠕逼令拜冠先執節不從以办臨之冠先日能殺  
我者蠕蠕也不能以天子使拜戎狄者我也遂見殺武  
帝以冠先不辱命賜其子雄錢一萬布三千足雄不受  
詣闕上書曰臣父執節如蘇武守死如谷吉遂不書  
良史甄之褒贈萬代之後誰死社稷先達元四年車僧  
朗啣使不異抗節是同詔贈員外郎此天朝舊準臣父  
成節也今僧朗反葬家瑩臣父湮棄絕域語忠烈則亦

不謝車論荼毒則彼優而此劇名位不殊禮數宜等乞  
申褒贈不省

劉思忌為新野太守時魏主引兵寇新野梁長圍守之城  
陷不屈遂遇害

顏見遠為御史中丞因梁武受禪不食發憤痛哭而卒

梁

程文秀以功至新安太守後從吳明徹侵周戰敗不屈死  
于獄

樂子雲清陽人以江陵令除光祿卿魏克江陵衆皆奔散

呼子雲子雲曰終為虜矣不如守以死節遂仆地卒于馬足之下

北魏

于什門代人胡元時使諭馮跋聲氣厲然遂被拘留衣裳敗壞跋遺以新服堅拒不受歷二十四年後馮弘上表稱臣乃送什門歸拜侍御史太武褒美比之蘇武

朱長生代人孝文時為員外散騎常侍與同郡于提俱使高車其王阿伏至羅以兵脅之降長生與提厲聲曰我為魏鬼不為汝臣拘三歲始放還孝文以其守節拜長

生河內太守提隴西太守並賜男爵

王榮世館陶人仕魏為方城縣子梁師攻圍自知方不可全乃先燒府庫後殺妻子既而城陷不屈被害詔進爵為伯贈齊州刺史

崔楷博陵鮮卑人孝文帝時為殷州刺史賊來攻楷拒守力竭城陷執節不屈死之贈侍中子士元亦戰歿贈平州刺史

劉渴侯稟性剛烈魏太和中為徐州牧以禦敵被擒不降而死贈平州刺史上庸侯

道登永安初為梁將韋休等所虜面縛臨別令其招降鄉  
曲道登厲聲唱呼但當努力則無所能賊遂屠戮之又  
荊州被圍行臺宗君思遣使宗女等四人入城曉諭為  
賊所獲執女等巡城令其改辭女等大呼大軍垂至堅  
守莫降賊忿各剗其腹然後斬首二州表其節義道登  
等並賜五赤郡五等子爵聽子弟承襲遣使詣所在中

祭

北齊

鮮于世榮漁陽人為太子太傅周武帝入代遺以瑪瑙酒

鍾世榮得即碎之周兵入鄴被執不屈而死

隋

皮子信為洮州刺史高祖開皇三年吐谷渾寇臨洮皮子  
信死之

劉弘彭城人平陳以功加上儀同拜泉州刺史會高智慧  
作亂弘堅守百餘日賊知其饑欲降之弘抗節彌厲比  
城陷為賊所害上嘉歎久之官其子

張須陁滎陽通守李密逼滎陽須陁拒守後被伏兵邀擊  
衆皆潰散須陁仰天嘆曰兵敗如此何面目見天子下



馬戰死

游元明根玄孫也煬帝時奉使黎陽楊玄感作逆脅以兵不屈死之贈銀青光祿大夫

杜松贊北海人大業末賊楊厚為寇松贊出硯為賊所獲令之招降不從死之詔贈朝散大夫

堯君素隋恭帝侗皇泰元年即唐武德元年守河東唐遣獨孤懷

恩攻之不下招之不從遣其妻至城下謂之曰隋室已亡君何自苦君素曰天下名義非婦人所知引弓射之應弦而倒君素志在守死每言及國家未嘗不歎歎及

江都聞變左右殺君素以降

陰世師武威人壽之子也煬帝時拜張掖太守後遷左翊衛將軍與代王畱守京師唐軍至世師自以世荷隋恩拒守不下見殺

穆肅江南人隋末守臨汀政尚清明秩滿之京假道將樂金溪聞唐受隋禪義不事二姓遂投水死邑人義之殮其屍葬沙磧立祠祀之

唐

張德政高祖時為鄆州都督突厥來寇鄆州德政死之

劉感岐州鳳泉人武德初以驃騎將軍鎮守涇州為薛仁果所圍戰敗被執不屈而死

李育德趙州人武德初為涉州刺史引兵拔賊河內堡三十一所王世充怒悉銳士攻之育德力戰與三弟皆歿李玄通武德四年為定州總管時劉黑闥取定州黑闥執玄通愛其才欲以為大將玄通不可囚之故吏有以酒肉餽之者玄通飲醉給守者曰吾能劔舞願假吾刀玄通舞竟太息曰大丈夫受國厚恩鎮撫方面不能保全所守有何面目視息世間哉引刀自刺而死

鞠陵武德四年為冀州總管時劉黑闥取冀州陵死之

王公政武德五年為垣州刺史劉黑闥陷垣州公政死之葉顥為建州刺史武德初妖賊亂城陷不屈而死

夏侯端壽州壽春人唐初詔以大將軍招撫關東為王世充阻而留之不屈死

常達陝州人武德初為隴州刺史不屈于薛舉而死

呂子臧河東人武德中為鄧州刺史不屈于賊朱粲而死

王行敏并州樂平人武德中以屯衛將軍死于竇建德

羅士信歷城人武德中以絳州總管死于劉黑闥

張道源郟人武德中守趙州為竇建德所執不屈而死  
敬士弘絳人武德時為隱太子死

周積金壇人永徽間四境盜起積糾合鄉人拒之衆寡不  
敵賊誘之為亂積曰恨不斬汝萬段肯從汝為賊耶遂  
手刃數十人自刎死事聞封爵立廟至今祀之

龐孝恭博白人龍朔中以遼東道行軍總管征高麗為蓋  
蘇文所敗不屈而死

李安靜高宗時為右驍衛將軍武后受禪獨不肯勸進有  
司劾以謀反安靜曰以我唐家老臣欲殺即殺若云謀

反實無可言遂遇害

格元輔浚儀人舉明經累為閣鸞臺平章事武后欲以武  
承嗣為太子元輔不從坐以謀反斬之

顏杲卿字昕臨沂人玄宗天寶十五載為常山太守賊將  
史思明陷常山杲卿起兵纔八日守備未完史思明蔡  
希德引兵皆至城下杲卿晝夜拒戰糧盡矢竭城陷執  
杲卿及袁履謙等送洛陽祿山數之曰汝是范陽戶曹  
我奏汝為判官不數年起至太守何負于汝而反耶杲  
卿瞋目罵曰汝本營州牧羯奴天子擢汝為三道節度

使恩幸無比何負于汝而反我世為唐臣祿位皆唐有  
雖為汝所奏豈從汝反耶我為國討賊恨不斬汝何為  
反也臊羯狗何不速殺我祿山大怒并表履謙等縛于  
天津橋柱而劓之二人叱死罵不絕口顏氏死者三十  
餘人杲卿後贈太子太保謚忠節

崔無詖玄宗天寶時為滎陽太守安祿山反圍滎陽無詖  
率眾乘城聞師諜自墜如雨無詖與官屬皆死之詔贈  
尚書謚毅勇

龐堅涇陽人薛愿汾陰人天寶時安祿山反堅與愿共守  
潁川城中士單糧少而愿堅晝夜戰自正月至十一月  
諸郡兵無援者城遂陷二人不屈俱死之

畢炕天寶末為廣平太守拒安祿山城陷死之詔贈戶部  
尚書

雷海清天寶中樂工初祿山取長安樂工犀象詣洛陽宴  
其羣臣於凝碧池盛奏眾樂梨園子弟往往歔歔泣下  
賊皆露亦睨之雷海清不勝悲憤擲樂器於地西向慟  
哭祿山怒縛於試馬殿前支解之

張興東鹿人肅宗至德元年為饒陽裨將時史思明陷河

北攻饒陽彌年不能下思明併力圍之外救俱絕城陷  
擒興謂曰將軍真壯士能與我共富貴乎興曰興唐之  
忠臣固無降理今數刻之人耳願一言而死思明曰試  
言之曰主上待祿山恩如父子群臣莫及不知報德乃  
興兵指闕塗炭生人大丈夫不能剪除亮逆乃北面為  
之臣乎且足下所以從賊求富貴耳譬如燕巢於幕何  
能久安何如乘間取賊轉禍為福長享富貴不亦美乎  
思明怒鋸殺之至死罵不絕口

張巡南陽人許遠敬宗曾孫杭州人巡初為真源令遠為

睢陽守遠自以才不及巡邀巡同守遠居中而巡出禦  
賊至德二載賊將尹子奇父圍睢陽城中食盡始與士  
卒同食茶紙既盡遂食馬馬盡羅雀掘鼠鼠雀既盡

出愛妾殺以食士遠亦殺其奴然後括城中婦人食之  
既盡繼以男子老弱賊登城將士病不能戰巡西向再  
拜曰臣力竭矣不能全城生既無以報陛下死當為厲  
鬼以殺賊城遂陷巡遠俱被執子奇問曰聞君每戰皆  
裂齒碎何也巡曰吾志吞逆賊但力不能耳子奇扶之  
以刃乃與南霽雲雷萬春等三十六人皆被殺巡且死

顏色不亂生致許遠於洛陽後亦死之

陶閻洛陽人為城父令與張巡同守睢陽城陷被執與石丞平李辭陸光煌朱珪守若虛楊振威耿慶禮馬日升張惟清廉垣張重孫景趨趙連城王森喬紹俊張恭默祝忠李嘉隱翟良輔孫庭皎馮良等三十六人皆死于難肅宗時贈閻潞州大都督

元正仕監門尉兵曹叅軍肅宗時史思明陷河洛賊以名購正仕度事急謂弟曰彼利吾名難免矣然不污身而死吾猶生也遂兄弟皆遇害事平贈秘書

盧奕滑州人懷慎少子安祿山陷東都奕朝服端坐被擒不屈數祿山罪臨刑西向再拜罵不絕口而死肅宗詔贈禮部尚書謚曰貞烈

李愷汶水人天寶中以東京留守死于安祿山之難穆宗詔褒其處難居首正色就死兩河聞風再固危壁

張介然猗氏人以守陳留死于安祿山

賈循華原人守幽州死于安祿山

程千里萬年人以禮部尚書死于安祿山

已上四人肅宗時詔追贈官其子孫

段秀實德宗建中四年為司農卿朱泚召秀實議稱帝事  
秀實勃然起奪源休象笏前唾泚面大罵曰狂賊吾恨  
不斬汝萬段豈從汝反耶因以笏擊泚衆爭前殺之明  
年興元元年詔贈太尉謚曰忠烈帝還都詔旌其門  
張徹幽州節度判官至任遇府軍怨其從事盡殺之而囚  
其帥且相戒獲徹置之帥所徹出門罵衆曰汝何敢反  
罵不絕口而死事聞贈給事中

顏真卿杲卿從弟興元元年李希烈陷汝州詔真卿宣慰  
之既至與朱滔等四使同宴四使曰都統將稱大號而

太師適至是天以宰相賜都統也真卿叱之曰汝知有  
罵安祿山而死者顏杲卿乎是吾兄也吾年八十知守  
節而死耳希烈掘坎於庭云欲坎之真卿怡然見希烈  
曰死生已定何必多端亟以一劍相與豈不快公心事  
耶希烈乃謝之繼希烈僭號遣其將辛景臻謂真卿曰  
不能屈節當自焚積薪灌油於庭真卿趨赴火景臻遽  
止之至是聞希清伏誅忿怒遣中使縊殺之明年元貞  
元年贈司徒謚文忠

高重捷德宗時名將也與朱泚將李日月戰敗斫首而去

朝廷憫其忠命東蒲為首葬之朱泚見其首亦曰忠臣也東蒲為身而葬之

吳淑章敬皇后弟建中時以大將軍自願持節諭朱泚執之不屈被害

劉廼字永夷伊闕人建中時為兵部侍郎以朱泚亂車駕幸梁州憂憤不食而卒

蔡廷玉昌平人朱泚辟置幕府泚反不屈投河而死

符令竒臨沂人德宗時田承嗣任為右職後田悅逆命令竒勸以忠順不從其子璘率三子同降唐將馬燧悅怒

遂被害

孟華德宗時以檢校兵部郎中兼侍御史往諭王武俊使不與朱滔協謀武俊不從稱王授華禮部尚書華不肯起嘔血死

張仵為澤潞將守臨淮為田悅所執不屈而死

周曾李希烈部將也希烈反密謀取希烈不克而死時王

玢姚愔韋清亦希烈部將與曾同謀獨清得不死德宗

贈安定郡王實封二百戶又有呂貲康秀琳梁興朝賈

樂卿侯仙卿皆死希烈之難



張名振事李懷光為部將欲懷光急攻朱泚以收京城為懷光所拉殺

石演芬本胡人為李懷光養子懷光與朱泚連和演芬遣人至行在言懷光無破賊意請罷其總統懷光知之罵曰我待汝為子汝何故反演芬曰太尉既負天子演芬安得不負太尉懷光使卒斃之皆曰義士也斷其喉而去

袁人傑無為人唐末盜起人傑以土豪招集強壯保障一方賊大入人傑挺身血戰度不能支仰天大呼自刎而死屍僵立者累日賊驚異舍其境遁去鄉人收葬立廟祀之

董全禎德興人天祐中為御史兼八砦將首一日賊自浙東來全禎兵寡不能敵乃自斷其首已而雷電晦暝如有兵戈甚盛賊大驚潰邑人祀之

顧彥暉為東川節度使王建來攻城陷不屈自刎舉族皆死

溫庭皓為徐州觀察使龐勳反以刃脅之為表求節鉞不從遂遇害

黃碣閩人威勝軍節度使董昌辟以自副及昌反碣大罵  
不從為所殺抵首溷中夷其家百口

王進岌為冀州刺史憲宗元和十五年王庭湊陷冀州進  
岌死之

高沐渤海人貞元中為李師道判官師道謀逆沐力解諭  
之不從遂為所害

林蘊莆田人為西川節度使劉闢推官闢反蘊諭以禍福  
闢怒欲殺之命行刑者以刀磨其頸脅之蘊罵曰死即  
死我頸豈汝礪石耶闢知不可屈釋之

崔彥留懿宗咸通初為徐州觀察使會龐勳反死義贈刑  
部尚書焦璐李稅崔蘊柳泰盧宗嗣韋迓範皆為勳所  
害後贈官有差錄用其子

林慎思字虔中長樂人咸通中登第由校書郎至水部郎  
中萬年縣令黃巢入長安迫以偽祿慎思罵賊而死

何武壽州人嘗被誣枉至州投石自明守釋之未幾寇起  
即請于守曰此真畢命之秋也命領偏裨入擬陽伏盜  
發兵潰武獨鬪死

丘弘禮為曹州刺史僖宗時朱全忠陷曹州弘禮死之

孫揆字聖圭為昭義軍招討使昭宗時討李克用被執  
屈鋸解之鋸齒不行罵賊曰羯狗奴解人當束以板汝  
輩安知行刑者如其言鋸齒乃行至死罵不絕口

張蟾為隸州刺史昭宗朝平盧節度使王師範陷隸州蟾  
死之

劉康義益都人昭宗時為密州刺史楊行密陷城康義死  
之

王師範青州人為淄青平盧節度使朱溫圍鳳翔師範捧  
詔書而泣起兵討溫兵及淮南力不能支為溫所族

敬播昭宗朝為隸州刺史朱全忠陷隸州播不屈死之

黃岳寧德人唐末由鄉貢入太學朱溫篡位王審知竊王  
號欲起岳岳度不能拒遂投于淵而死

周朴字太朴福州人黃巢得朴將用之朴曰我為處士尚  
不任天子安能從賊巢怒遂斬之湧白膏起數尺後人  
立廟祀焉

張承業字繼元內常侍張泰養子初以特進監河東軍朱  
溫篡唐承業佐晉王存勗有復讐之志已晉王欲稱帝  
承業亟詣魏州諫曰吾王世世忠於唐室老奴三十

年為王叔拾財賦召補兵馬誓滅逆賊復本朝宗社  
今河北甫定朱氏尚存而王遽即大位殊非從來征  
之意天下其誰不解體乎王何不先滅朱氏復列聖之  
深讐然後求唐後而立之南取吳西取蜀汎掃宇內合  
為一家當是之時雖使高祖太宗復生誰敢居王上者  
讓之愈久則得之愈堅矣老奴之志無他但以受先主  
大恩欲為王立萬年之基耳王曰此非余所願奈群下  
意何承業知不可止慟哭曰諸侯血戰本為唐家今王  
取之誤老奴矣即歸晉陽邑邑成疾不復起

